



Broj: 03/1-50-14-7-35-13/17
Sarajevo, 8.5.2017.

PREDMET: Informacija o posjeti MOBiH i prezentaciji dokumenta „Pregled odbrane“, 28.3.2017.

Članovi Zajedničke komisije za odbranu i sigurnost BiH realizirali su radnu posjetu Ministarstvu odbrane BiH 28.3.2017. gdje su detaljno upoznati sa sadržajem dokumenta „Pregled odbrane“ u skladu sa zaključkom s 32.sjednice Zajedničke komisije za odbranu i sigurnost BiH kojim je obavezano Ministarstvo odbrane BiH da pripremi prezentaciju kojom bi se članovi Zajedničke komisije detaljnije upoznali s budućom organizacijom i veličinom Oružanih snaga BiH, lokacijama Oružanih snaga BiH, tokom provođenja dokumenta „Pregled odbrane“ te Planom modernizacije Oružanih snaga BiH.

U ime Ministarstva odbrane BiH i Zajedničkog štaba Oružanih snaga BiH, prezentaciji i razgovoru o dokumentu „Pregled odbrane“ prisustvovali su: Marina Pendeš, ministrica, Boris Jerinić, zamjenik ministrice odbrane BiH, general-pukovnik Anto Jeleč, načelnik te general-majori Senad Mašović i Mirko Tepšić, zamjenici načelnika Zajedničke komande OSBiH.

O budućoj organizaciji OSBiH članove Zajedničke komisije upoznao je brigadir Dragan Stupar, a o planu modernizacije brigadir Mario Andrić.

Tokom prezentacije i razgovora u Ministarstvu odbrane BiH zaključeno je da je usvajanje dokumenta „Pregled odbrane“ značajan iskorak u stvaranju preduslova za daljnje poboljšanje funkcionalnosti i operativnosti Oružanih snaga BiH u cjelini.

Očito je da su za Oružane snage BiH i dalje veliki problem neperspektivne lokacije koje treba da preuzmu entitetske vlade. Konačni cilj, kada je u pitanju iznos budžeta za odbranu, jeste promjena njegove strukture gdje se očekuje izdvajanje 65% sredstva za personal, 20% za operativne troškove i 15% za operacije, što u ovoj situaciji zahtijeva povećanje budžeta za odbranu.

Menadžment MOBiH posebno je naglasio značaj ulaganja dodatnih napora u ispunjavanju uslova za početak provođenja Akcionog plana za članstvo u MAP-u što je posebno naglašeno i tokom održavanja 94. Rose Roth seminara PSNATO-a koji je od 21. Do 23.3.2017. održan u Sarajevu.

Zaključeno je da će menadžment MOBiH periodično informirati članove Zajedničke komisije o toku provođenja dokumenta „Pregled odbrane“ te da će posebna pažnja biti posvećena modernizaciji Oružanih snaga BiH za koju u ovom momentu nema alternative.

U delegaciji Zajedničke komisije bili su: Sifet Podžić, predsjedavajući, Borislav Bojić i Borjana Krišto, zamjenici predsjedavajućeg, Mario Karamatić, član Zajedničke komisije te Boško Šiljegović, parlamentarni vojni povjerenik BiH.

Predsjedavajući Zajedničke komisije

Sifet Podžić

Dostavljeno:

-naslovu

- a/a